

Txoj Hau Kev

Tsev Kho Mob Fairview Health Services

Txoj Cai

Txoj Cai Pab Nyiaj Txiag

Lub Hom Phiaj:

Fairview Health Services thiab HealthEast (tag nrho hu ua "Fairview") muaj keeb kwm los ntev hais txog kev muab kev pab kho mob rau cov neeg mob nyob hauv peb lub zej zog tsis hais txog qhov lawv yuav them tau thiab tsis tau. Fairview paub tias qee cov neeg mob yuav tsis tuaj yeem them tau tag nrho los sis ib feem twg ntawm cov nqi kho tus mob uas yuav tsum tau kho vim lawv tsis muaj kev tuav pov hwm kev kho mob los sis tej zaum tus nqi kho mob siab dhau qhov lawv yuav them tau. Txhawm rau muab kev pab kho mob pub dawb (Charity Care) los sis kev pab nyiaj txiag rau cov uas xav tau, Fairview muaj txheej txheem los ntsuam xyuas tias cov neeg mob twg thiaj tsim nyog tau txais Chairty Care.

Tsab Cai Cov Lus Hais Tawm: Fairview muaj pluaj siab muab txoj kev pab kho mob rau nws lub zej zog kom zoo dua qub. Tsab cai no hais txog ntau yam ntawm Fairview txoj kev pab nyiaj.

Cov ntsiab lus:

Tus Mob Uas Yuav Tsum Tau Kho (Medical Necessity)

Tus mob uas yuav tsum tau kho yog ib qho kev kho uas tsim nyog yuav tau kho raws li kev xam pom ntawm Fairview tus kws kho tus mob/tus kws tu tus mob uas muaj ntawv pov thawj thiab raws li tus qauv cag ntawm txoj kev kho mob uas yuav tsum tau kho:

- Txhawm rau pab tiv thaiv txoj kev pib los yog mob loj tuaj ntawm tus mob, qhov teeb meem los sis kev xiam oob qhab;
- Los mus xyuas kom paub seb yog tus mob dab tsi;
- Txhawm rau muab kev kho tus mob uas tshwm sim rau lub cev, tus cwj pwm thiab/los yog cov kev nyuaj siab mob hlwb kom txhob mob heev dhau, kom zoo mus los yog kom rov zoo tuaj li qhov qub; thiab/los yog
- Yuav pab tus neeg kom nws ua tau los yog ceev tau nws rab peev xwm ua tau tej dej num uas nws niaj hnub ua xam raws li rab peev xwm ua tau dej num ntawm tus neeg ntawv thiab lwm tus neeg uas muaj hnub nyoog ib yam.
- Cov kev kho mob uas yuav tsum tau kho muaj xws li cov kev kho mob uas mus pw hauv tsev kho mob thiab tsis pw raws li tau hais rau hauv tsab cai Title XIX ntawm Kev Ruaj Ntseg Saum Haiv Neej ntawm Tsoov Fev (Federal Social Security Act), thiab kev kho mob uas mus pw hauv tsev kho mob los sis tsis pw uas tau txais kev pab thiab pom tau tias yog ib tus mob uas yuav tsum tau kho raws li tsab cai Title XVIII ntawm Federal Social Security Act. Ib qho ntxiv, qhov kev kho mob uas kho nyob hauv tsev kho mob uas yog koom txoos sib koom (partnership) los yog LLC uas lub tsev kho mob yog tus tswv nqes peev (capital) los yog tau txais txiaj ntsim ntawm cov nyiaj paj (profits interest) kuj yuav muaj feem tau txais kev pab nyiaj. Cov kev pab kho tus mob yuav tsum yog kho mus raws li lub teb chaws cov qauv cag ntawm txoj kev kho mob uas ib txwm lees txais rau thaum lub sij hawm muab cov kev kho tus mob. Txhua qhov kev kho mob yuav tsum zoo txaus, mus raws sij hawm, thiab raws li txoj kev kho tsim nyog kom tau raws li lub hom phiaj.
- Cov kev pab kho mob uas yuav tsum tau kho tsis suav cov kev kho uas yog kev sim los yog kev sim kho mob (experimental) los yog kev ua kom zoo nkauj zoo nraug.
- Lwm yam pov thawj uas qhia pom tias nws yog ib qho kev kho mob uas yuav tsum tau kho muaj xws li:
 - Muaj pov thawj raws txoj kev tshawb nrhiav (scientific evidence) pom tias tus neeg mob uas muaj yam mob no yuav tau txais txiaj ntsim los ntawm qhov kev kho mob;
 - Qhov txiaj ntsim tau txais los ntawm kev kho mob tseem ceeb heev thiab/los yog
 - Muab los xav lawm pom tau tias cov kev kho mob uas raug nqi tsawg dua thiab lwm txoj hau kev uas raug tsis kam lees kho.

Kev Sim Kho Mob

Kev sim kho mob yog cov kev kho mob thiab kev tiv thaiv mob uas feem ntau tsis raug lees txais tias muaj kev nyab xeeb thiab tau txais txiaj ntsim los ntawm cov kws txuj uas paub txog kev tshawb nrhiav tus mob, kev tiv

thaiv los yog kev kho tus mob. Thaum txiav txim tias ib qhov kev tiv thaiv mob yog kev sim kho mob, cov kev ua no muaj xws li hais los no tab sis kuj tsis yog tas li no xwb xws li:

- seb qhov kev tiv thaiv mob puas yog muaj raws li ib feem ntawm ib qho kev kawm kom paub nkaus xwb;
- seb cov lus hauv cov ntawv xov xwm puas yog nqua hu kom muaj kev kawm kom paub ntxiv mus tom ntej ntawm qhov kev tiv thaiv rau tus mob uas muab los xam rau kev kho; los yog
- seb puas yog yuav muab qhov kev tiv thaiv mob siv rau lwm qhov ntawm lub cev, hauv lwm txoj kev, thiab/los yog rau ib tus mob txawv, uas yog feem ntau raug lees txais los ntawm cov kws txuj uas paub txog ib yam twg [hauv Fairview, Ob Lub Nroog Ntxaib (Twin Cities), Minnesota, teb chaws Meskas, thiab lwm qhov].

Teeb Meem Nyiaj Txiag

Yog lub sij hawm thaum tus nqi kho mob siab heev rau Fairview lub koom txoos tsis them se (tax-exempt entity) uas yuav los muab kev pab kho mob thiab tus neeg mob xav tau qhov kev kho mob uas lub koom txoos ntawv tsis kho mob tau zoo tib yam rau txhua tus neeg mob yog tias tsis tau txais nyiaj them nqi kho txhua tus neeg mob rov qab thiab muaj nyiaj txaus los muab kev kho mob rau txhua tus.

Yim Neeg

Rau lub hom phiaj ntawm tsab cai no, ib yim neeg yog:

- Ib nkawm niam txiv uas sib yuav lawm thiab cov me nyuam uas tseem tos nkawv pab (dependents), raws li sau cia hauv IRS cov cai.
- Ib tus neeg uas muaj cov me nyuam uas tseem tos nws pab raws li sau cia hauv IRS cov cai.
- Ib tus neeg uas tsis muaj txij nkawm uas tsis muaj cov me nyuam tseem tos nws pab.

Cov cai hais txog kev txom nyem (poverty guidelines) yuav muab siv nyias muaj nyias rau txhua yim neeg uas nyob hauv ib lub tsev yog hais tias lub tsev ntawv muaj ntau tshaj ib yim neeg.

Kev Kho Mob

Fairview yuav muab cov kev tshuaj xyuas mob thiab cov kev kho kom tsis muaj mob rau cov mob xwm txheej kub ntxhov ceev yam tsis xav txog hais tias tus neeg mob yuav them taus tus nqi los tsis taus. (Saib HealthEast los yog Fairview EMTALA cov cai.)

Fairview muab cov kev pab kho mob uas tsis yog mob kub ceev uas tiam sis yuav tsum tau kho raws li kev xam pom ntawm Fairview ib tus kws kho mob. Tej zaum Fairview kuj yuav hais kom muaj kev npaj them nqi kho mob ua ntej muab kev kho tus mob uas tsis yog mob xwm txheej kub ntxhov ceev. Cov kev npaj them nqi kho mob kuj yuav muaj xws li them nyiaj ntsuab los yog siv daim npav tiv nqi them (credit card), muab pab kas phais tuav pov hwm (insurance) them uas yog hom uas Fairview lees txais, txo tus nqi them kom tsawg rau qhov uas tsis muaj pab kas phais tuav pov hwm them yog tias muaj, kev pab nyiaj txiag (txo tus nqi kom tsawg los yog kho mob dawb) uas pom zoo los ntawm Fairview. Qee cov kev pab kho mob uas tus kheej xaiv tej zaum yuav tsis muaj feem tau nyiaj pab them. Thaum tsis yog mob xwm txheej kub ntxhov ceev, Fairview muaj txoj cai los mus ntsuam xyuas tus mob ib tug rau ib tug los yog ib txoj kev thov kho mob tshwj xeeb twg txhawm rau muab txoj kev kho kom raug raws kev kho mob thiab raug cai.

Txo Tus Nqi Kom Tsawg Thaum Tsis Muaj Pab Kas Phais Tuav Pov Hwm Them (Fairview Hospitals)

Cov neeg mob hauv tsev kho mob uas tau txais cov kev kho mob uas tsis muaj ntawv tuav pov hwm them (uninsured) raws li sau cia los ntawm Fairview thiab HealthEast daim ntawv cog lus nrog Tus Thawj Kws Lij Choj (Attorney General) Qhov Chaw Ua Hauj Lwm uas pib siv txij thaum lub Rau Hlis Xyoo 2017 mus txog lub Rau Hlis Xyoo 2022 (tag nrho hu "Ntawv Cog Lus") yuav muaj feem tau txais qhov txo tus nqi (kev "txo tus nqi thaum tsis muaj pab kas phais tuav pov hwm them").

I. Kev Muaj Cai Tau Txais Kev Txo Nqi:

- A. Cov neeg mob uas tsis muaj ntawv tuav pov hwm yuav raug txheeb xyuas ua ntej thaum tso npe, lub sij hawm tso npe los sis thaum txais nkag tsev kho mob, los yog thaum tsub nqi thiab tsib nqi them. Cov neeg mob uas tsis muaj pab kas phais tuav pov hwm uas muaj nyiaj khwv tau los yog los sis qis dua \$125,000 uas tau txais kev kho mob uas yuav tsum tau kho muaj cai tau txais kev txo nqi kom txij li cov nyiaj tau los uas siab tshaj plaws ntawm Fairview li tuam txhab muab kev tuav pov hwm. Raws txoj kev no, Fairview los sis Fairview cov chaw ua lag luam yuav muab kev txo nqi rau cov neeg mob uas khwv tau nyiaj ntau tshaj \$125,000.

B. Cov Uas Tsis Tau Txais Kev Txo Nqi:

1. Cov neeg mob uas tsis nyob hauv Minnesota los yog Wisconsin thaum lub sij hawm kho mob yuav tsis tau txais kev txo nqi.
2. Cov neeg mob uas kho kev zoo nkauj zoo nraug, kho mob raws siab xav, kev sim mob los yog lwm yam kev kho mob uas tsis yog tus mob yuav tsum tau kho yuav tsis muaj feem tau txais kev txo nqi.
3. Kev txo nqi tsuas yog siv tau rau cov kev kho mob nyob hauv tsev kho mob thiab cov kev kho mob uas yog muab los ntawm tus muab kev pab kho mob uas tsev kho mob ntiav xwb. Cov neeg mob uas mus kho mob nrog cov tsev kho mob yus tus kheej xaiv, cov kev kho mob nrog tus muab kev pab kho mob uas tsis yog Fairview li, kev kho mob nrog Fairview cov koom txoos uas tsis muaj nyob hauv daim ntawv cog lus ntawm Thawj Kws Lij Choj, thiab lwm cov kev kho mob uas tsis nyob hauv tsev kho mob yuav tsis tau txais kev txo nqi raws kev tsis muaj pab kas phais tuav pov hwm.

II. Kev Txo Nqi Ntawm Tus Nqi Muab Tsub Kom Them:

Qib ntawm kev txo nqi yuav raug muab los txiav txim thaum hauv txhua txhua xyoo uas yog Lwm Thawj Saib Xyuas Cov Nyiaj Tau Los yog tus txiav txim siab. Tus nqi luv nqi yuav ua raws li qhov nyiaj rov qab nruab nrab uas tau muab rau Fairview cov nyiaj tau los ntawm tus kheej tshaj plaws rau kev pab hauv tsev kho mob. Lub Chaw Txuas Nyiaj Txiag, Tus Lwm Thawj Coj Kev Tswj Nyiaj Tau Los, thiab Tus Lwm Thawj Coj ntawm Cov Kev Cog Nyiaj Los lossis lawv tus neeg sawv cev yuav tsum pom zoo qhov kev txiav txim sab nrauv ntawm cov txheej txheem uas tau tsim tseg, tom qab txheeb xyuas cov xwm txheej ntawm txhua qhov teeb meem.

Kev Pab Nyiaj Txiag

Ntxiv rau ntawm qhov txo tus nqi rau qhov kev kho tus mob uas tsis muaj pab kas phaisntuav pov hwm them (uninsured discount), HealthEast tseem muaj kev pab nyiaj rau cov kev kho mob uas tsim nyog tau txais kev pab uas yog txo tus nqi kom them tsawg los yog kho tus mob pub dawb rau cov uas muaj feem raws li txoj cai. Cov kev kho mob xwm txheej kub ntxhov ceev thiab tsis yog mob kub ceev uas tau xaj kom kho los ntawm HealthEast ib tus kws kho mob muaj ntawv pov thawj uas, raws li txoj kev xam pom ntawm tus kws kho mob uas hais kom kho tus mob, yog ib tus mob uas yuav tsum tau kho, yuav muaj feem tau txais kev pab nyiaj them rau, ib yam li qhov kev kho tus mob uas kho nyob hauv ib qhov chaw uas yog ib lub koom txoos sib koom (partnership) los yog LLC uas lub tsev kho mob yog tus tswv muaj nyiaj nqes peev rau hauv (capital) los yog tau txais txiaj ntsim ntawm cov nyiaj paj tau los (profits interest).

Cov kws kho mob tsis yog neeg ua hauj lwm rau tus them nyiaj thib peb uas muab kev kho mob kub ceev los yog lwm yam mob uas yuav tsum tau kho nyob hauv ib qhov chaw kho mob muab teev rau hauv ib daim ntawv lo ntxiv (attachment) rau Tsab Cai Pab Fab Nyiaj Txiag no. Daim ntawv lo ntxiv (attachment) no piav txog seb Tsab Cai Pab Fab Nyiaj Txiag no puas them rau cov kev kho tus mob uas muab kev kho los ntawm cov kws kho mob no.

HealthEast muaj txoj cai los mus xyuas cov ntawv ua thov kev pab nyiaj rau cov kev kho tus mob uas tsis yog mob kub ceev los mus nrhiav seb puas muaj lwm yam kev pab kho los yog qhov chaw kho tus mob thiab los mus tsis lees muab kev pab nyiaj uas yuav ua rau lub koom txoos tau ris lub nra rau fab nyiaj txiag.

Cov neeg mob uas tau txais kev kho mob ntawm HealthEast yuav tau pab them rau tus nqi kho lawv tus mob raws li lawv muaj rab peev xwm them taus. HealthEast qhov kev pab nyiaj tsis yog los hloov kev muab ntawv tuav pov hwm los ntawm tus tswv hauj lwm, ntawv tuav pov hwm muab tuaj ntawm tsoom fww los yog ntawv tuav pov hwm uas tus kheej them nyiaj mus yuav. Yuav kom muaj feem tau txais kev pab nyiaj, cov neeg mob yuav tsum:

- Nrhiav lwm yam pab kas phais tuav pov hwm uas yog tsoom fww li los yog tsis yog uas nws muaj feem tau txais, nrog rau muab txhua yam ntaub ntawv tsis hais cov twg uas yuav tau muaj los mus sau npe kom tau txais kev pab rau ib qhov kev pab cuam muab ntawv tuav pov hwm uas yog tsoom fww li.
- Ua kom tau raws li daim ntawv thov kev pab nyiaj cov cai, nrog rau qhov muab kom tau tej ntaub ntawv uas yuav tsum tau muab.

Kev Muaj Cai Tau Txais Kev Pab Nyiaj Txiag

HealthEast muab qhov muaj feem tau txais kev pab nyiaj raws li ntawm tsev neeg cov nyiaj khwv tau los thiab cov khoom muaj nqis (assets). Yuav tsum muab ib cov ntaub ntawv qhia paub tseeb txog tsev neeg cov nyiaj khwv tau los thiab cov khoom muaj nqis xa nrog daim ntawv thov pab nyiaj. Cov ntaub ntawv uas txais yuav tau uas qhia paub txog cov nyiaj khwv tau los thiab cov khoom muaj nqis muaj xws li tom ntej no rau txhua tus neeg muaj hnub nyoog hauv tsev neeg: ob daim tw tshev them nyiaj (payroll stubs) nyuam qhuav dhau los no, ntawv qhia txog cov nyiaj Social Security, nyiaj poob hauj lwm, nyiaj muaj mob xiam oob qhab thiab nyiaj them yug txij nkawm/nyiaj them yug me nyuam, cov ntawv tuaj ntawm tuam txhab tso nyiaj (rau nyiaj ntsuab, IRA, nyiaj nqis peev ua lag luam (stock), 401K cov as-qhauj), thiab cov ntawv ua them se xyoo tas los no. Ib daim ntawv qhia txog cov nyiaj khwv tau los rau cov neeg ua ntawv thov pab nyiaj uas nws ua hauj lwm rau nws tus kheej (self-employed). Yog thaum tsis muaj cov nyiaj khwv tau los, ib Daim Ntawv Tias Tsis Muaj Nyiaj Khwv Tau Los (Declaration of No Income) los kuj

lees txais.

Cov lus qhia txog cov nyiaj khwv tau los yuav muab hloov kho mus ua ke nrog Tsoom Fwv Tsab Cai Hais Txog Cov Tseem Txom Nyem (Federal Poverty Guideline) uas muab tso tawm tshiab los ntawm Qhov Chaw rau Medicare thiab Medicaid Cov Kev Pab (Center for Medicare and Medicaid Services). Cov lus qhia txog cov nyiaj khwv tau los rau kev tsim nyog pab nyiaj txiag ntawm HealthEast muaj xws li tom ntej no:

Nyiaj khwv tau ntawm yim neeg xam raws feem pua (%) ntawm Tsoom Fwv Cov Cai Hais Txog Kev Txom	feem pua (%) kev txo nqi ntawm cov nyiaj tag nrho tus nqi tsub kom them (rau ntawm qhov Them Tsis Tau Tas (Balance))
0-200%	100%
201% - 300%	50%

Cov lus qhia txog cov khoom muaj nqis txhawm rau saib tias puas tsim nyog pab nyiaj los ntawm Fairview muaj li hauv qab no: Yog ib yim neeg twg muaj cov khoom muaj nqis uas yog nyiaj ntsuab/av-qhauj tseg nyiaj npaj rau thaum so hauj lwm (IRA)/feem xyuam nyiaj los yog lag luam (stock)/Cov nyiaj npaj tseg thaum so hauj lwm (401K) tag nrho \$25,000 mus txog rau \$500,000, yam tsawg kawg nkaus 10 feem pua ntawm cov khoom muaj nqis no yuav tsum muab los luj rau qhov nyiaj uas tseem tsis tau them rau Fairview ua ntej tus neeg/tsev neeg ntawv yuav tsim nyog tau txais kev pab nyiaj txiag. Yog tias cov khoom muaj nqis tshaj \$500,000 lawv tsis muaj feem tau txais Kev Pab Nyiaj.

Fairview yuav tsis siv hom cuab yeej (software) ntau nqi coj los txiav txim siab tias pom zoo los yog tsis pom zoo muab nyiaj pab rau cov neeg mob. Hais txog cov neeg mob uas tau txiav txim lawm tias muaj feem tau txais kev pab los ntawm Medical Assistance los yog MinnesotaCare lub sij hawm tam sim ntawv (tag nrho hu ua "MA"), ib qho nqi kho mob twg uas tus neeg mob tseem tsis tau them ua ntej hnuv tau txais MA yuav muaj feem tau txais kev pab nyiaj.

Kev Saib Cov Ntaub Ntawv Thov Kev Pab Nyiaj

- Fairview yuav muab tswv yim pab rau cov neeg mob thiab lawv tsev neeg los mus pab xaiv cov kev pab kom tau raws li lawv lub luag hauj lwm uas yuav tau them cov nqi kho mob. Cov neeg mob uas hais tias lawv muaj teeb meem txom nyem fab nyiaj txiag yuav tau txais ib daim ntawv ua thov kev pab nyiaj.
- Xav thov kev pab nyiaj, yuav tsum ua kom tiav daim ntawv thov pab nyiaj thiab muab kom tau cov ntaub ntawv uas yuav tsum tau muab hais txog tsev neeg cov nyiaj khwv tau los thiab cov khoom muaj nqis (saib hauv qab no). Daim ntawv thov kev pab nyiaj txiag tuaj yeem thov tau dawb uas yog hu rau HealthEast li Feem Muab Kev Pab ntawm 651-232-1100 los sis Fairview li Feem Muab Kev Pab ntawm 612-672-6724. Yog xav tau kev pab ua daim ntawv thov pab nyiaj los yeej hu tau rau tus xov tooj no ib yam thiab.

Ib tus neeg mob uas tsis tau qhia paub yav dhau los tias nws them tsis taus tus nqi kho mob los kuj hu tau rau HealthEast los yog Fairview li Feem Muab Kev Pab tom qab txais tau ib daim ntawv kom them nqi, los yog ib Tus Neeg Sawv Cev Fab Nyiaj Txiag Rau Cov Neeg Mob yuav hu xov tooj tuaj rau tus neeg mob. Tus Neeg Sawv Cev Fab Nyiaj Txiag Rau Cov Neeg Mob yuav xa tus neeg mob mus rau cov neeg ua hauj lwm kom ua ntawv mus thov kev pab ntawm tsoov fwv, thiab txheeb xyuas seb tus neeg mob puas yuav muaj feem tau txais kev pab nyiaj. Tus neeg thov kev pab nyiaj yuav tau txais ib daim ntawv thov kev pab.

- Daim ntawv thov kev pab uas sau tiav lawm yuav raug xa mus rau Cov Kws Saib Xyuas Kev Pab Nyiaj Dawb (Charity Care Coordinators).
- Yog tias daim ntawv thov kev pab tshuav qhov twg sau tsis tiav thiab raug xa rov qab rau Fairview, yuav muaj xov tooj hu tuaj thiab/los yog ntawv xa tuaj qhia tias tshuav dab tsi uas yuav tsum tau ua.
- Fairview yuav sau ntawv ceeb toom qhia paub txog nws txoj kev txiav txim siab muab kev pab tsis pub dhau 30 hnuv suav txij hnuv tau txais daim ntawv ua thov kev pab nyiaj uas ua tiav txhij txhua. Tsab ntawv ceeb toom no yuav muaj qib txo tus nqi uas yog muab mus raws li tus neeg mob rab peev xwm them taus. Yog tias tsis kam lees txais pab nyiaj ces daim ntawv ceeb toom yuav qhia tias yog vim li cas thiab yuav muaj cov lus qhia paub tus txheej txheem tias yuav ua li cas yog tus neeg mob xav kom rov muab daim ntawv thov los xyuas dua. Qhov kev txiav txim tias muaj feem tau txais kev pab nyiaj yuav siv tau (yuav siv rau cov kev kho mob uas ua tau raws li cov lus kom ua ntawm tsab cai no) mus ntev txog 6 lub hlis yam tsis tas yuav rov qab ua ntawv thov dua tshiab.

- Tus neeg mob tuaj yeem thov kom txiav txim dua tshiab txog kev tau txais kev pab nyiaj los ntawm Fairview uas yog sau ntawv thiab muab ntaub ntawv ntxiv, xws li ntaub ntawv qhia paub txog cov nyiaj tau los los yog sau ib cov lus piav txog tej teeb meem thov kom txo nqi, mus rau tus neeg ua hauj lwm muab lus pom zoo pab tsis pub dhau 30 hnuv suav txij hnuv tau txais tsab ntawv tsis kam lees muab kev pab. Yog tseem rov qab saib pom tias tsis muaj feem tau txais kev pab nyiaj li qub thiab ces yuav muaj ntawv ceeb toom xa mus rau tus neeg uas thov kev pab tau paub. Tej kev tsib nqis yuav raug tso tseg thaum lub sij hawm rov muab daim ntawv thov kev pab los saib xyuas dua.
- Kev pab nyiaj txo tus nqi yuav muab siv rau qhov nyiaj uas tseem them tsis tau tas ntawm cov as-qhauj uas tau txais kev pom zoo tom qab siv kev txo nqi rau cov nqi uas tsis muaj ntawv tuav pov hwm them yog hais tias tus neeg mob muaj feem tau txais kev pab raws li cov lus ntawm Daim Ntawv Cog Lus. Tom qab txiav txim tias muaj feem tau txais kev pab nyiaj lawm, ib tus neeg uas muaj feem tau txais kev pab nyiaj yuav tsis raug hais kom them ntau tshaj tus nqi uas keev muab tsub kom them (AGB) rau cov neeg uas muaj ntawv tuav pov hwm kho mob kub ceev los yog cov mob uas yuav tsum tau kho. Qhov AGB no muaj xam rau txhua lub tsev kho mob uas yog siv txoj kev saib yav tas los (look-back method) rau kev ntxiv nyiaj los ntawm cov as-qhauj ua lag luam (commercial) thiab Medicare rau xyoo dhau los (previous fiscal year). Tuaj yeem thov tau daim ntawv qhia txog Fairview li feem pua ntawm tus nqi uas keev muab tsub kom them uas yog hu rau HealthEast li Feem Muab Kev Pab ntawm 651-232-1100 los yog Fairview li Feem Muab Kev Pab ntawm 612-672-6724.

Tus neeg mob yuav tau them cov nqi uas them tsis tau tas tom qab tau muab tus nqi txo tsawg rau nws them lawm. Yog hais tias tsis them qhov nyiaj uas tseem them tsis tau tas raws li sij hawm uas tau teem tseg, yuav muab tus as-qhauj xa mus rau qhov kev tsib nqi kom nrog xyuas mus raws li tus txheej txheem ntawm txoj hauj lwm uas tau sau cia hauv txoj cai Sau Nyiaj thiab Tsib Nqi ntawm HealthEast los yog Fairview, uas muaj nyob rau ntawm <http://www.Healtheast.org> los yog www.Fairview.org Fairview tsis tso cai rau nws cov neeg sawv cev los mus ua phem los yog ua tsis raws cai rau ntawm cov hauj lwm mus sau nuj nqis.

Ntawv Tseb Tawm Qhia Paub Tias Muaj Kev Pab Nyiaj Txiag

Fairview muaj ntau txoj kev los mus qhia rau tsoom neeg sawv daws paub txog nws tsab cai hais txog kev pab nyiaj, xws li ua ntawv tseb tawm tsab cai hais txog kev pab nyiaj, daim ntawv thov kev pab nyiaj, thiab muaj ib cov lus rau sawv daws to taub yooj yim hais txog tsab cai nyob rau ntawm HealthEast los yog Fairview lub website (www.Healtheast.org los yog www.Fairview.org), xws li ib co lus to taub yooj yim hais txog tsab cai pab nyiaj txiag txhawm rau ua kom cov ntaub ntawv hauv hluav taws xob (raws kev pom zoo ntawm neeg mob) thiab ntaub ntawv luam tawm mus txog neeg mob sawv daws uas nyob hauv tsev kho mob thiab mus txog neeg mob raws kev xa ntawv los yog ntawv hluav taws xob (email)(raws kev pom zoo ntawm neeg mob) uas yog muab tso rau hauv tej chaw uas sawv daws pom tau yooj yim hauv tsev kho mob li chaw kho mob kub ceev thiab chaw txais tos neeg mob thiab muab tso rau ntawm tej ntaub ntawv sau nqi kho mob. Fairview yuav qhia thiab ceeb toom rau cov tswv cuab ntawm lub zej zog uas tau txais kev pab los ntawm Fairview hais txog nws tsab cai pab nyiaj txiag uas yog muaj nyob hauv website, ntawv xov xwm, thiab cov ntawv uas Fairview Clinics xa rau cov tswv cuab.

Kev Tso Cov Kev Kho Mob Pub Dawb/Kev Pab Nyiaj Txiag Dua Tshiab (Reclassification)

Fairview yuav txiav txim siab tsis them nyiaj rau ib tus as-qhauj uas tus neeg mob tseem them tsis tau tas vim nws tsis muaj rab peev xwm them uas pom tau los ntawm kev mus tsib nqi tus txheej txheem. Thaum Fairview txiav txim siab tsis them nyiaj uas yog ua raws li qhov tus neeg mob tsis muaj rab peev xwm them, Fairview yuav muab cov nyiaj uas tseem them tsis tau tas no yuav raug tso uas nyiaj pab los yog ua kev kho mob pub dawb, uas yog tau lus pom zoo los ntawm tus Thawj Kav Xwm Saib Xyuas Cov Nyiaj Tau Los (System Director of Revenue Cycle) los yog nws tus neeg sawv cev.

Cov Nqi Kho Mob Uas Raug Ntau Tshaj Qhov Tsoom Fwv Pab Them

Cov nqi kho mob uas tsis tau nyiaj los ntawm kev siv Medicare, Medicaid thiab lub xeev/zej zos cov kev pab kho mob yuav muab xam tias yog txiag ntsim rau lub zej zos vim tus nqi kho tus mob raug ntau tshaj qhov nyiaj pab them rau.

Cov Kev Pab Kho Mob Pub Dawb

- Cov ntawv qhia ntxiv A muaj lus qhia ntxiv txog kev tsim nyog tau txais kev pab kho mob pub dawb.
- Cov ntawv qhia ntxiv B muaj lus qhia ntxiv txog kev dag kho ntaub ntawv.
- Cov ntawv qhia ntxiv C muaj lus qhia ntxiv txog kev koom tes thiab kev siv kev tuav pov hwm.
- Cov ntawv qhia ntxiv D muaj lus qhia ntxiv txog kev tsis tau txais kev pab kho mob pub dawb.
- Cov ntawv qhia ntxiv E muaj lus qhia ntxiv txog lwm txoj kev thov txo nqi.
- Cov ntawv qhia ntxiv F muaj lus qhia ntxiv txog kev sau nyiaj thiab tsib nqi.

Txoj Cai Pab Nyiaj Txiag Cov ntawv qhia ntxiv A

Kev Muaj Cai Tau Txais Kev Kho Mob Pub Dawb

- Tsuas yog cov kev kho mob kub ceev thiab kho tus mob uas yuav tsum tau kho thiaj tau txais Kev Kho Mob Pub Dawb. Fairview tshwj tseg txoj cai los mus txiav txim ib tug dhau ib tug tias seb cov kev kho mob puas yog "tus mob uas yuav tsum tau kho" kom paub tias puas tsim nyog tau txais kev kho mob pub dawb.
- Yuav kom tau txais kev pab kho mob pub dawb, tus neeg mob cov nyiaj khwv tau los thiab cov khoom muaj nqi yuav tsum raug raws cov cai hauv qab no:
 1. Qib Nyiaj Khwv Tau Los: Tus neeg mob cov nyiaj xyoo tag nrho hauv tsev neeg yuav tsum yog los sis qis dua Qib Kev Txom Nyem ntawm Tsoom Fwv (FPL).

Qib Nyiaj Khwv Tau Los Xam Raws Yim Neeg

Yim Neeg	Nyiaj Khwv Tau Txhua Xyoo (200% FPL)	Nyiaj Khwv Tau Txhua Xyoo (300% FPL)
1	\$24,280	\$36,420
2	\$32,920	\$49,380
3	\$41,560	\$62,340
4	\$50,200	\$75,300
5	\$58,840	\$88,260

2. Cov lus qhia txog cov khoom muaj nqis txhawm rau saib tias puas tsim nyog pab nyiaj los ntawm Fairview muaj li hauv qab no: Yog ib yim neeg twg muaj cov khoom muaj nqis uas yog nyiaj ntsuab/av-qhauj tseg nyiaj npaj rau thaum so hauj lwm (IRA)/feem xyuam nyiaj los yog lag luam (stock)/Cov nyiaj npaj tseg thaum so hauj lwm (401K) tag nrho \$25,000 mus txog rau \$500,000, yam tsawg kawg nkaus 10 feem pua ntawm cov khoom muaj nqis no yuav tsum muab los luj rau qhov nyiaj uas tseem tsis tau them rau Fairview ua ntej tus neeg/tsev neeg ntawv yuav tsim nyog tau txais kev pab fab nyiaj txiag. Yog tias cov khoom muaj nqi tshaj \$500,000, lawv tsis muaj feem tsim nyog tau txais Kev Pab Nyiaj.
3. Cov lus qhia txog cov ntaub ntawv yuav tau ua txhawm rau txheeb xyuas cov nyiaj khwv tau los thiab cov khoom muaj nqis muaj nyob hauv qab hauv "Daim Ntawv Thov Kev Pab Nyiaj Raws Txheej Txheem (Application Process)".

- Kev Suav Cov Nyiaj Khwv Tau Los:
 - Yog tias yog neeg loj, lo lus "Cov Nyiaj Khwv Tau Los Txhua Xyoo Tag Nrho (Total Yearly Income)" nyob hauv Daim Ntawv Thov Kev Pab Kho Mob Pub Dawb txhais tau tias cov nyiaj tag nrho nyob rau ib xyoo ntawv uas tus neeg mob thiab nws tus txiv nkawm khwv tau. Yog tias tus neeg thov yog me nyuam yaus, lo lus "Cov Nyiaj Khwv Tau Los Txhua Xyoo Tag Nrho (Total Yearly Income)" yog cov nyiaj khwv tau tag nrho nyob rau ib xyoo uas tus neeg mob niam thiab txiv thiab/los yog tus neeg saib xyuas raws kev cai lij choj. Qhov "Cov Nyiaj Khwv Tau Los Txhua Xyoo" uas nyog rau hauv Daim Ntawv Thov Kev Pab Kho Mob Pub Dawb yog cov nyiaj khwv tau nyob rau 12 lub hlis uas sau rau hauv ntaub ntawv. Tsawg kawg ntawm 3 lub hlis dhau los ntawm cov ntaub ntawv khwv nyiaj tau los yuav raug thov kom pab xyuas cov nyiaj xyoo tam sim no. Yog tias 3 lub hlis dhau los ntawm kev tshawb xyuas nyiaj txiag tsis muaj, tus neeg mob muaj peev xwm muab cov nyiaj dhau los ntawm daim ntawv teev cov nyiaj tau los txhua xyoo. Feem Pab Nyiaj Pub Dawb (Charity Care) tsis tuaj yeem tso cai yog tias tus neeg mob tau txais nyiaj thib peb nyiaj txiag los ntawm qhov kev saib xyuas los ntawm Fairview txaus los pab them cov nqi qiv nyiaj vim tias cov nyiaj yuav raug siv los ua kom txaus siab rau Balance los ntawm tus neeg mob. Tus neeg mob thov kev pabcuam rau Charity Care yuav qhia txog tus naj npawb ntawm tus neeg mob hauv tsev neeg seb nws tsev neeg loj npaum cas, nyiaj tau los, thiab cov cuab tam muaj li cas hauv qab no:

Neeg Loj: Hauv kev suav cov neeg nyob hauv ib tus neeg laus hauv tsev neeg, Fairview yuav muaj tus neeg thov kev pab, tus neeg thov tus txiv nkawm, thiab lwm tus neeg muaj cai raws li txoj cai.

Me Nyuam Yaus: Hauv kev suav cov neeg nyob hauv tus menyuam yaus hauv tsev neeg, Fairview yuav suav nrog tus neeg thov kev pab, tus neeg thov tus txiv / tus saib xyuas, niam / tus saib xyuas, thiab cov neeg tseem ceeb ntawm leej txiv, leej niam los yog tus menyuam.

Cov niam txiv uas nyob hauv tsev nrog lawv tus menyuam muaj hnuv nyoog yuav tsis suav cov nyiaj hauv tsev neeg los yog cov nyiaj tau los ntawm tus menyuam tshwj tsis yog tias muaj kev saib xyuas lossis kev saib xyuas raws cai los ntawm cov ntaub ntawv raug cai.

Txoj Cai Pab Nyiaj Txiag Cov ntawv qhia ntxiv B

Cov Ntaub Ntawv Cuav

- Cov Ntaub Ntawv Cuav:
 - Cov lus qhia txog cov nyiaj tau los lossis tsis kam koom tes nrog Fairview los ntawm txheej txheem kev thov yuav ua rau tsis kam lees txais daim ntawv thov Kev Pabcuam Tseg. Yog tias, tom qab tus neeg thov kev pabcuam tau txais Charity Care lawm, Fairview paub tias cov ntaub ntawv thov kev pabcuam rau Charity Care tsis muaj tseeb, Daim Ntawv Thov Kev Pabcuam thiab txhua qhov kev pabcuam khomob yuav raug rho tawmraws li tau txiav txim los ntawm Fairview ib leeg nkaus xwb.

Txoj Cai Pab Nyiaj Txiag Cov ntawv qhia ntxiv C

Kev Koom Tes thiab Kev Siv Pab Kas Phais Tuav Pov Hwm rau Kev Kho Mob Pub Dawb

Vim tias kev kho mob pub dawb tsis yog yuav coj los hloov rau tus neeg mob lub luag hauj lwm, cov neeg mob uas xav tau kev pab nyiaj txiag los ntawm yuav tau koom tes raws Fairview cov txheej txheem kom txiav txim tau tias puas tsim nyog tau txais kev pab thiab pab txhawm rau them nqi kho mob. Fairview txhawb cov neeg uas muaj nyiaj txiag kom yuav kev tuav pov hwm txhawm rau kom lawv tau txais kev pab tiv thaiv mob nkeeg thiab tiv thaiv lawv cov khoom muaj nqis. Txhua tus neeg mob yuav raug ntsuam xyuas thiab yuav tsum tau yuav kev tuav pov hwm los ntawm MNsure kom tau txais Medicaid, MinnesotaCare, Kev Tuav Pov Hwm Zoo (Qualified Plan Plan) los sis lwm yam kev tuav pov hwm raws li tau hais tseg hauv Tsab Cai Kev Kho Mob Pheej Yig (ACA) thiaj xam tau tias yog muab kev koom tes.

- Yog tias tus neeg mob muaj feem tau txais kev pab nyiaj los ntawm lwm tus neeg thiab tsis muab kev koom tes vim tej teeb meem thov txo nqi loj tshaj tus neeg mob rab peev xwm lawm, tus neeg mob yuav tsum tau xa ib tsab ntawv piav qhiatxog qhov ntawd. Tsab ntawv no yuav raug ntsuam xyuas los ntawm cov neeg tswj hwm ntawm Fairview.
- Tus neeg mob yuav tsis tau txais Kev Pab Kho Mob Pub Dawb los yog Kev Pab Nyiaj Txiag ntawm Fairview yog tias tus neeg mob muaj lwm tus neeg them pab lawm thiab tsis tus neeg pab ntawv cov ntaub ntawv rau Fairview raws sij hawm ua rau Fairview tsis lees txais.
- Feem ntau yog tias ib tug neeg mob twg xaiv tsis yuav kev tuav pov hwm los ntawm nws tus thawj coj, nws yuav tsis tau txais kev kho mob pub dawb. Lawv yuav tsum thov los ntawm MNsure rau Medical Assistance, MinnesotaCare lossis Cov Kev Npaj Kho Mob.
- Yog tias tus neeg mob xaiv tsis sau nws daim ntawv pov hwm rau ib qho txheej txheem lossis hnuv ua haujlwm, qhov kev mus ntsib ntawd yuav tsis tsim nyog tau txais kev pab rau ntawm Charity Care.

Txoj Cai Pab Nyiaj Txiag Cov ntawv qhia ntxiv D

Cov Kev Tsis Tau Txais Kev Kho Mob Pub Dawb:

Fairview Charity Care Cov Kev Pab Kho Mob thiab lwm yam kev pab yuav tsis muab kev pab raws cov lus hauv qab no:

- Cov neeg mob tsis ua raws li Charity Care cov txheej txheem thov yuav tsis tau txais kev pab los ntawm Charity Care.
- Yog tias tus neeg mob tus av-qhauj tseem tos tuam txhab muag kev tuav pov hwm los saib xyuas, tus neeg mob yuav tsis tau txais Charity Care yog tias nws tsis koom tes rau cov ntaub ntawv thov uas tau sau los yog nrhiav tau los ntawm lwm tus neeg.
- Cov kev kho mob uas tsis yog los ntawm Fairview cov muab kev pab kho mob los yog lwm tus muab kev pab kho mob ntawm Fairview uas tsis muaj nyob rau tsab cai no.
- Kev Kho Mob nyob hauv Fairview Express.
- Cov nyiaj pab no yog them nqi khiav tshab mus los lossis nqi noj haus.
- Cov nqi kho mob uas yog los ntawm kev hloov ib yam khoov twg hauv lub cev mus txog rau ib lub xyoos tom qab ntawv yuav tsis tau txais kev pab txo nqi Kho Mob Pub Dawb. Ib qho kev kho hloov twg uas yuav muaj rau cov kev pauv hloov no yuav tsum tau ua mus raws tus txheej txheem ntawm Kev Zam Tsis Them Nyiaj (Financial Exception).
- Cov neeg uas tsis yog pej xeem Meskas los yog pej xeem Meskas nyob sab nrauv teb chaws Meskas tsis muaj feem tau txais Charity Care; qhov no yog suav nrog rau cov neeg uas tuaj nyob raws vis-xaj (visa) thiab cov tub kawm ntxhais kawm tuaj sab nrauv tuaj. Qhov no tsis suav cov neeg nyob hauv teb chaws Meskas yam tsis muaj ntaub ntawv.
- Fairview Cov Chaw Kho Mob Xaiv Ywj Siab (Fairview Free Standing Clinics) yuav tsis koom muab Kev Pab Kho Mob dhau hauv lub nroog mus (out-of-state Medical Assistance). Yog li ntawv, cov neeg mob uas mus kho mob raws cov chaw kho mob ywj siab dhau hauv nroog yuav tsis tau txais Charity Care.
- Cov kev kho mob feem ntau yuav raug xam tias tsis tau txais kev pab los ntawm txhua cov muab kev tuav pov hwm tsheej tsis yog raug tshawb pom tias yog cov kev kho mob raug raws tus qauv cag.
- Vim yog tus yam ntxwv ntawm kev lag luam, Fairview Cov Khoom Siv Kho Mob Hauv Tsev (Home Medical Equipment) thiab Cov Kev Kho Txhua Yam Ntawm Tus Tib Neeg Kom Zoo Tuaj thiab Kho Hloov Khoom Cuav (Orthotics & Prosthetics) yuav tsis muaj rau hauv tsab cai no.
- Fairview Homecare, Fairview Pharmacy thiab Fairview Range nyias muaj nyias cov cai Charity Care thiab tsis muaj nyob rau hauv tsab cai no.
- Fairview cov ceg chaw ua hauj lwm uas yog cov tuam txhab tshwj xeeb thiab tsis nce raws tsab cai no, xws li Fairview Maple Grove Ambulatory Surgery Center, thiab Crosstown Surgery Center.
- Cov kev kho mob uas yog muab los ntawm cov koom txoos uas tsis yog Fairview yuav tsis tau txais kev pab raws txoj cai no.

Txoj Cai Pab Nyiaj Txiag

Cov ntawv qhia ntxiv E

Charity Care Cov Kev Pab Kho Mob - Lwm Txoj Kev Txo Nqi

- Kev Zam Nyiaj Txiag
 - Fairview Cov Neeg Tswj Hwm (Management) yuav tsum txheeb xyuas txhua txoj kev zam kom paub tias tus neeg mob puas muaj rab peev xwm them tau nqi kho mob. Tsuas yog cov kev zam rau cov neeg mob uas tsis muaj nyiaj los them cov nqi kho mob thiaj tau txais kev saib xyuas thiab tshaj tawm tias yog Charity Care. Dua ntawv yuav tsum tau ua raws txoj cai thiab tshaj tawm tias yog kev hloov kho kev tswj hwm (administrative arrangements) thiab tsis yog Kev Kho Mob Pub Dawb los sis yog Nuj Nqis (Bad Debt), raws li tau hais tseg hauv lub xeev thiab tsoom fww cov cai. Tus neeg twg uas uas tshaj qib kev txom nyem ntawm tsoom fww (FPL) thiab muaj nuj nqis ntau tshaj cov nyiaj khwv tau los hauv tsev neeg nyob rau lub xyoo dhau los yuav tau kev tso cai thov Charity Care los ntawm qhov Kev Zam Nyiaj Txiag.
- Cov Uas Koom Tes Tseem Ceeb (Senior Partners):
 - Cov Uas Koom Tes Tseem ceeb ntawm Fairview yog kev sib koom tes ntawm Fairview thiab Cov Chaw Muab Kev Pab Rau Zej Zog Uas Tseem Ceeb. Fairview pom zoo kam liam kom lub tsev khomob thiab tsev kuaj mob me tsis pab them cov nqi pab kas phais tuav pom hwm uas yuav tau them (co-insurances) thiab nqi txiav them (deductibles). Cov tswv cuab ntawm qhov kev pab no nkag siab tias lawv yuav tsum tau them rau cov kev kho mob uas tsis tau txais kev pab los ntawm Medicare, xws li siv cov tshuaj noj hauv tsev. Tus Neeg Saib Xyuas Kev Kho Mob Pub Dawb (Charity Care Coordinator) yuav tsum tau kho cov av-qhauj. Cov nyiaj uas sau tau ntawm Medicare yuav tsum tau muab coj los txhub rau cov nyiaj uas tau siv rau Charity Care lawm.
 - Daim Ntawv Thov Tso Npe
 - Cov neeg thov tso npe yuav raug xa mus thiab tau txais kev saib xyuas los ntawm Cov Chaw Muab Kev Pab Rau Zej Zog Tseem Ceeb los yog Lub Nroog cov chaw ua hauj lwm uas nyob sab nrauv. Cov neeg mob tuaj yeem thov tau daim ntawv thov tso npe los yog nug xov xwm tau ntxiv uas yog hu rau 952-767-0665 los sis mus saib hauv www.seniorcommunity.org.
 - Tus nqi them uas xyoo rau cov ntawv thov uas tau txais kev pom zoo yog \$42.
 - Cov Cai Hais Txog Qhov Muaj Cai Tau Txais Kev Pab
 - Tus neeg mob yuav tsum tau tso npe hauv Medicare tshooj A thiab B thiab tsis nyob rau ntawm txoj kev npaj pauv hloov (replacement plan).
 - Tus neeg mob uas tsis tuaj yeem muaj qhov pab txhawb los ntawm Medicare.
 - Nyiaj khwv tau los tsis dhau 200% ntawm tsoom fww qib kev txom nyem.
 - Cov khoom muaj nqis tsis dhau \$47,100 (tsis xam ib lub tsev thiab ib lub tsheb)
- Kev Pab Kho Mob Pub Dawb Rov Qab (Retro Charity Care)/Kev Pab Kho Mob Pub Dawb Rau Neeg Txom Nyem (Medically Indigent Charity Care)
 - Yog tias tus neeg mob lub sij hawm ntawv muaj MA los yog MinnesotaCare thiab yog cov kev kho mob ua ntej ntawv tsis tau txais kev pab los ntawm MA/MinnesotaCare, tus av-qhauj twg yog muaj ua ntej hnuv tau txais pom zoo los ntawm MA yuav tau txais Kev Kho Mob Pub Dawb yog tias txoj hau kev yuav them tau muaj tsawg xam raws li cov cuab yeej Kev Pab Nyiaj Txiag ntawm Fairview (Financial Assistance tool).
- Kev Txo Nqi Rau Qhov Uas Tsis Muaj Kev Tuav Pov Hwm
 - Dua ntawm cov kev pab uas muaj nyob rau hauv Txoj Cai Pab Nyiaj Txiag, cov neeg nyob hauv Minnesota uas tsis muaj pab kas phais tuav pov hwm yuav tau txais kev txo nqi rau qhov uas tsis muaj kev tuav pov hwm rau kev kho mob hauv tsev kho mob ua ntej thov kev txo nqi ntawm Charity Care. Qhov kev txo nqi no yog ua raws Thawj Kws Lij Choj Cov Qauv Cag Tsis Nqi daim ntawv cog lus thiab nws tsis yog cov kev pab kho mob pub dawb.

[Type text]

Txoj Cai Pab Nyiaj Txiag Cov ntawv qhia ntxiv F

Kev Sau Nqi thiab Tsib

Nqi

- Fairview muaj txoj cai Sau Nqi thiab Tsib Nqi uas yog nyias muaj nyias nyob rau hauv website www.Healtheast.org los yog www.Fairview.org los yog hu rau Fairview Feem Muab Kev Pab 612-672-6724 los yog 1-888-702-4073 los HealthEast Lub ChawsPab Cuam Neeg Qhua ntawm 651-232-1100. Tsab cai no muaj ntsiab lus tshwj xeeb qhia txog:
 - Tus Txheej Txheem Sau Nqi: Fairview yuav ua daim ntawv sau nqi raws li sijhawm teem tseg thiab yuav muab sijhawm yam tsawg kawg nkaus 120 hnuv tom qab thawj daim ntawv sau nqi ua ntej pib nqis tes tsib nqi rau tus av-qhauj.
 - Kev Daws Teeb Meem ntawm Tus Av-Qhauj: Fairview yuav muab sijhawm yam tsawg kawg nkaus 240 hnuv los daws teeb meem ntawm tus av-qhauj uas yog siv ntau txoj kev, xws li txheeb xyuas seb puas muaj pab kas phais tuav pov hwm los yog kev pab kho mob, kev them nqi kho mob, kev kho mob pub dawb los yog lwm txoj kev.
 - Kev Tsib Nqi: Yog thaum tus neeg mob them tsis tau, Fairview yuav xa nws tus av-qhauj mus rau cov chaw tsib nqi thiab/los yog cov tuam txhab tsib nqi raws kev cai lij choj kom soj qab xyuas. Fairview yuav ceeb toom tus neeg mob paub tsawg kawg nkaus 30 hnuv ua ntej pib nqis tes tsib nqi rau nws tus av-qhauj.

Daim Ntawv Teev Npe

Cov Chaw Kho Mob

- Fairview muaj daim ntawv teev cov pab pawg muab kev pab kho mob xwm txheej kub ntxhov ceev thiab kho tus mob uas yuav tsum tau kho rau cov neeg mob nyob rau ib lub tsev kho mob twg ntawm Fairview. Daim ntawv teev npe qhia tias cov muab kev pab kho mob twg tau txais los yog tsis tau txais kev pab raws li Fairview Txoj Cai Pab Nyiaj Txiag (saib tus website no). www.fairview.org/providerlists los yog https://www.healtheast.org/images/stories/billing/covered_providers.pdf

Cov Chaw Kho Mob Tau Txais Txoj Cai:

Chaw Kho Mob Fairview Lakes Medical Center tau pom zoo txais txoj cai no.

Chaw Kho Mob Fairview Northland Medical Center tau pom zoo txais txoj cai no.

Tsev Kho Mob Fairview Ridges Hospital tau pom zoo txais txoj cai no.

Tsev Kho Mob Fairview Southdale Hospital tau pom zoo txais txoj cai no.

Chaw Kho Mob ntawm Tsev Kawm Qib Siab nroog Mennesota (University of Minnesota Medical Center), Fairview tau pom zoo txais txoj cai no.

Tsev Kho Mob HealthEast St. John's Hospital tau pom zoo txais txoj cai no.

Tsev Kho Mob HealthEast St. Joseph's Hospital tau pom zoo txais txoj cai no.

Tsev Kho Mob HealthEast Woodwinds Hospital tau pom zoo txais txoj cai no.

Tsev Kho Mob HealthEast Bethesda Hospital tau pom zoo txais txoj cai no.

HealthEast Cov Chaw Kho Mob (HealthEast Clinics) thiab lwm cov koom txoos uas tsis tau them se tau pom zoo txais txoj cai no.

Fairview pab pawg kho mob (Fairview Medical Group) tau pom zoo txais txoj cai no.

Tus Tswv Txoj Cai:

Tus Lwm Thawj Coj ntawm Cov Kev Cog Nyiaj

Pom zoo los ntawm:

Fairview Pawg Thawj Coj Qhia

Hnuv tim:

Hnuv Siv Tau: 2-18-07, Pawg Thawj Coj Tau Pom Zoo

Hloov Chaw - Pawg Saib Xyuas Fab Kev Kho Mob Rau Zej Zog (Community Care Section Board) Tau Pom Zoo Kev Pab Nyiaj Txiag Rau Kev Kho Neeg Mob Hnuv Tim 12-16-04

Hnuv Rov Kho Dua Tshiab: 2/1/15; 12/1/15; 12/29/2015; 1/29/2016, 7/24/2017

Hnuv Muab Rov Los Xyuas Dua: Fairview Pawg Thawj Coj Tau Rov Muab Coj Los Saib Dua thiab Pom Zoo: 4/16/15, 6/17/16, 8/17/17

[Type text]

Hnub Rov Muab Los Kho Dua Tshiab: 6/1/15, 6/17/16, 11/1/17